



Komisija za jednakopravnost spolova

Комисија за једнакоправност полова

Parlament Federacije Bosne i Hercegovine
Predstavnički dom
Komisija za jednakopravnost spolova

Predmet: Inicijativa za upotrebu rodno senzitivnog jezika u Parlamentu Federacije BiH - upućuje se

Komisija za jednakopravnost spolova, u saradnji sa Sarajevskim otvorenim centrom i Fondacijom Friedrich Ebert u BiH, pokreće inicijativu za uvođenje rodno senzitivnog jezika u Parlament Federacije BiH. Inicijativa je u decembru 2016. godine predstavljena na sjednici Komisije za jednakopravnost spolova, članice i članovi su je prihvatili, shvaćajući njenu važnost i neophodnost.

Rodno senzitivna upotreba jezika način je za uklanjanje diskriminacije žena iz jezika i za njihovu veću vidljivost u svim sferama društva, a važno je napomenuti i da je Zakonom o zabrani diskriminacije BiH te Zakonom o ravnopravnosti spolova u BiH utemeljena **zabrana diskriminacije žena**, između ostalih, i **putem jezika**. Pravni dokumenti Vijeća Evrope o eliminaciji seksizma iz jezika preporučuju vladama država članica da promoviraju upotrebu jezika koji će odražavati princip ravnopravnosti muškaraca i žena, te vladama da poduzmu sve potrebne mjere kako bi se ohrabrilo korištenje rodno senzitivnog jezika. U brojnim evropskim državama postoji praksa da se u državnim institucijama koristi rodno senzitivni jezik, a koristi se i u Parlamentarnoj skupštini BiH od 2013. godine.

Upotreba rodno senzitivnog jezika u institucijama vlasti je jedan od pokazatelja ozbiljne posvećenosti države na putu ka Evropskoj uniji. Naime, upitnik Evropske komisije za pripremu mišljenja o zahtjevu za članstvo EU sadrži pitanja o nivou postignute rodne ravnopravnosti, koja uključuje i upotrebu rodno senzitivnog jezika u svim institucijama u BiH.

Rad na ovom pitanju bi podrazumijevao izmjene i dopune jedinstvenih pravila za izradu pravnih propisa u Parlamentu FBiH, na osnovu uputstava stručnjaka/inja lingvista/kinja za korištenje rodno senzitivnog jezika pri izradi pravnih propisa, poslovnika, u službenoj komunikaciji, internim aktima i materijalima, kao i imenovanju zanimanja i zvanja u Parlamentu.

Očekujemo da će Parlament Federacije BiH prepoznati važnost ove inicijative i uklanjanja diskriminacije putem jezika sa kojom se žene svakodnevno suočavaju i čime se njihov rad sakriva, da će razmotriti ovaj prijedlog, te na kraju prihvatiti ovu inicijativu, da bi se u konačnici u Parlamentu Federacije BiH počeo koristiti rodno senzitivni jezik i prestala diskriminacija žena u ovom smislu.

Predsjednica Komisije

Jasna Duraković - Hadžiomerović s.r.